

COMUN: La firma che condüj demez le refodam bio s'á baudié ch'al vëgn tres indô dé jö refodam bio te tasces de nylon o tasces de bioplastica. Sce ara vá insciö inant gnará les bënes dl refodam bio a S. Martin sot la scora, Antermëia y Lungiarü tutes demez y düc messará condüje le refodam bio tl implant de reziclaže Alfur tratan i orars de daurida. Tl refodam bio ne pól nia plü gní metü resc vërc (erba, fëies, brüscas, rames y lignan) y nia plü osc, scüsces d'üs y scüsces de concors (conchiglie), y che le patüc pó ma gní juté diretamënter dales condles tles bënes o ti sac de papier ch'an ciafa aposta te Comun.

Racoiüda dl refodam da tosser a San Martin en dedolönesc, al 1 de messé, dales 9.00 - 10.00, dan le magazin di stödafüch.

Aldiënza dla defensuria zivica en vëndres, ai 4 de messé, dales 14.00 - 17.00 tl salf di stödafüch - ma sön prenotaziun 0471 946 020.

PLOANIES SAN MARTIN Y LUNGIARÜ

La Uniun dles Ères Catoliches inviëia düc i geniturs che á n pice möt o na picia möta da batié, pers che aspeta, toc y totes de nosc decanat ala preparaziun dl Bato la sabeda ai 12 de messé dales 15.00 - 17.00 a Corvara te calonia.

Deboriada orunse aprofondí la zelebrazziun de chësc sacramënt.

Prëibel prenotésse pro Lucia al nr 334 32 00 396

SAN MARTIN

Sura la capela de cortina él gnü metü les crusc y na pert dles zorghes dles fosses che é gnüdes tutes demez da püch. I proprietars pó jí a s'les tó cina ala fin de jügn 2025. Do chësta data vëgnel condüt demez döt cant ci che é ciamó resté dailó. Al vëgn ince dër bel perié da ne sciuré nia ciomënt, restli de ciüfs desfloris o d'ater tl ciantun sura la capela.

Museum Ladin de Tor: Ai 3 de messé: Vijita condüta dal paleontologh Herwig Prinoth fora por la mostra temporana Countdown to Mass Extinction?

16.00 - 17.00 Vijita accompagnada por todësch; 17.00 - 18.00 por talian
Dedô 18.00 - 20.00 invit al aperitif sön terassa cun musiga live. Por la vijita periunse do na prenotaziun por email a prenotaziuns@museumladin.it o por telefon a 0474 524020. La vijita menada costa 10€.

L'Istitut Ladin "Micurá de Rù" Ves inviëia dër bel ala daurida dla mostra de fotografies vedles y ala presentaziun dla App sura le paisc da San Martin, l'atra jöbia, ai 10 de messé, dales 18.00, tl salf dl Istitut Ladin a San Martin. La mostra é daverta dai 11 ai 20 de messé, dales 9.00 - 12.00 y 15.00 - 18.00.

Döt le bun a chi che complësc i agn de messé

a San Martin: Pire Vanzi che nen complësc 93 ai 3

Lena Palfrader Trebo che nen complësc 88 ai 21


Notburga Dapunt Clara che nen complësc 88 ai 21

Oliva Pedevilla che nen complësc 94 ai 29

Sepl Zingerle (Tor) che nen complësc 87 ai 30

a Lungiarü: sr. Sofia Clara che nen complësc 88 ai 3

Iaco Castlunger che nen complësc 81 ai 27



Plata dles Ploanies San Martin y Lungiarü

ploan siur Klaus Sottsas 344 15 54 055 - ksottsas@rolmail.net
curat don Marco Veghini - pfarrei.ploania@protonmail.com
redaziun: anton.gasser@rolmail.net - 348 27 44 517 / 0474 523194

29.06. - 06.07.25 n. 31

termo por comunicaziuns: jöbia, dales 20.00

FESTA DL CÖR DE GEJÚ - C

Vangele do san Lúca 15, 3-7

Te chël tëm্প

ti à Gejù cuntè ai farisës y ai studià dla lege na parabola y à dit:

Sce un de os à cënt bisces y nen perd öna,

ne làscel nia les nonantenü tla stëpa

y ti va do ala pordüda cina ch'al la ciafa?

Y canch'al l'á ciafada,

la tölèl plëgn de ligrëza sön sües sciabes,

y canch'al röia a cíaia,

chërdel adöm sü amisc y sü vijins y ti dij:

Ralegrësse cun mè;

i à indô ciafè mia biscia che ê pordüda.

I ves diji: Insciö regnaral incé tl cil

deplü ligrëza por un n picíadù su che dà ota,

co por nonantenü iüsc, che n'à nia debojëgn de dè ota.



N ploan cunta: I ti â n iade mostré a na ëra nia cristiana mia dlíja ploanala, olach'al é apé de dlíja na gran statua dl Cör de Gejú.

Ala fin dla vijita âra dit "Chësta é la plü bela statua ch'i ëis te osta dlíja".

Me fajon demorvëia âi damané "Ciodí?"

y ëra â respognü "Chësta statua rapresentëia n ël che mostra ca so cör.

Al mostra sü sentimënc y se lascia ferí"

Da dailó incá á ion chëstes figöres y ne ti mëti nia averda a so valur artistich, deache ci ch'ares ó me mostré vel cotan deplü.

Datrai él propi chës porsones che nes deura i edli che ciara zënza se lascé condizioné.

T.D.

EDEMA - C	SAN MARTIN	LUNGIARÜ	 Festa dl Cör de Gejú
29.06.25 FESTA DL CÖR DE GEJÚ	9.30 Adoraziun al Cör de Gejú <i>(siur Klaus)</i> 10.00 Mëssa solëna por la comunité	8.00 Mëssa solëna dl Cör de Gejú i recordun i 65 agn de sazerdoze de pater Fidelis Pezzei de rengraziamënt Tini y Dorina Clara por Wally y Pio Pescoller + Agostin Daporta Prozesciun eucaristica <i>(siur Klaus)</i>	
30.06.25 <i>I pröms martiri da Roma</i> Lönesc			
01.07.25 Dedolönesc <i>Sanch de Gejú, Regina</i>	8.00 Mëssa <i>(don Francesco)</i> por benefaturs y jënt dla Ciasa de Palsa	19.30 Corona tla capela de S. Ojöp Fr.	
02.07.25 Dedemesaledema <i>Vijita de Maria a Elisabeta</i>	8.00 Mëssa sò Ju <i>(don Francesco)</i> de rengraziamënt		
03.07.25 Jöbia <i>Tomes apostul, Günther</i>	19.00 Mëssa a Picolin <i>(don Francesco)</i> de rengraziamënt a Sant Antone		
04.07.25 Pröm vëndres <i>Ulrich, Elisabeta</i>	18.30 Adoraziun chîta 19.00 Mëssa <i>(don Francesco)</i> + Rita Agreiter	7.00 Adoraziun 7.30 Mëssa + + Mariangel y Iudita Clara + Sepl Clara, Sonví	
05.07.25 Sabeda <i>Antone M. Z., Letizia</i>	18.30 Mëssa prefestia <i>(don Francesco)</i> + Paul Graffonara, dl ann + Giovanni Unterweger		
06.07.25 14^a Domënia ia por l'ann C	9.30 Corona por vocaziuns <i>(don Francesco)</i> 10.00 Gran Mëssa por la comunité + Niusa Costa	7.50 Corona <i>(don Francesco)</i> 8.15 Gran Mëssa por la comunité de rengraziamënt por la Firma Isifer aniv. + Tî Clara aniv. + Sepl Rives + Pire Nagler	Tö Signur es mi famëi, i pó me gode túa pastöra, sté ponü te to larjëi, fruí di bëgns de túa natöra. Danter prighi detravers mia anima a palsa röia, pro tü rüs bi frësc y tlers rovëgni tosc a vita nöia. Al sigü sot to bastun me daste tria y confidënza, ne me perdi en banun y n'á nia bria d'avëi plü tëma. Te m'inviëies a to past y te me tënes sò túa mësa, spëisa de confort me dast' y vita eterna te túa ciasa. Plëgn to caresc ói alzé che va porsura de ligrëza de dilan por túa bunté col ce unt d'öre dla salvëza. <i>LS 455</i>